

JPS beri alasan tiada peruntukan atasi hakisan tanah

SAYA berasa terpenggil untuk menyuarakan kebimbangan mengenai masalah tanah runtuh yang sudah berlarutan bertahun-tahun lamanya di kampung Bukit Abal di daerah Pasir Puteh, Kelantan.

Saya mewakili penduduk di sini ingin memohon keprihatinan pihak berwajib agar melihat masalah hakisan tanah yang berpunca daripada sungai mengalir di belakang rumah penduduk.

Kami sudah memanjangkan perkara ini kepada Jabatan Parit dan Saliran (JPS) Pasir Puteh, namun mendapat jawapan cukup sinis iaitu tidak mempunyai peruntukan untuk memperbaiki masalah hakisan itu.

Penduduk yang terbabit melebihi 30 rumah yang tinggal di tepi sungai Bukit Abal dan majoritinya bekerja kampung dan itu saja tanah pusaka mereka. Baru-baru ini tanah di belakang rumah bapa menua saya runtuh dan hanya dipisahkan tidak sampai lima kaki di antara rumah dan sungai.

Apakah pihak berwajib menunggu rumah kami terdampar di dasar sungai dan meragut nyawa baru mereka bertindak dan mendapat per-



● GAMBAR HIASAN

ISU kediaman musnah akibat tanah runtuh kerana hakisan tanah semakin menjadi-jadi.

hatian seluruh rakyat Malaysia.

Saya berasa terkilan kerana sekiranya kes hakisan atau runtuhan tanah berlaku di Kuala Lumpur, ramai pihak akan menunjukkan rasa simpati dan banyak bantuan di salurkan. Apakah kami penduduk kampung yang tinggal di rumah usang dianggap tidak penting berbanding mereka yang tinggal di kondominium mewah atau banglo di atas bukit?

Kerajaan Kelantan hanya sibuk dengan masalah politik sehinggalah kebajikan kami tidak diutamakan. Jangan politik menjadi alat untuk melupakan apa yang wajib dilaksanakan kepada rakyat.

Apakah wakil rakyat Bukit Abal daripada PAS hanya sibuk berkempen untuk menjadi calon pilihan raya akan datang sedangkan masalah hakisan sungai yang bertahun-tahun lamanya dianggap ti-

dak penting?

Saya amat berharap agar pihak berwajib mahupun menteri membaca aduan dan masalah ini. Jangan nyawa kami menjadi taruhan baru semua pihak akan membuka mata dan simpati akan mencurahkan datang.

Bak kata pepatah, apabila terhantuk baru terngadah. Jangan nasi menjadi bubur, apabila sudah terlambat baru semua pihak hendak menunjuk hebat. Bendera politik sudah dipasang di sana sini tetapi apabila diminta peruntukan untuk memperbaiki hakisan sungai, duit tidak ada.

Nyawa manusia sekarang rasanya lebih murah daripada sekeping kain yang dibuat bendera politik. Tolong kami penduduk yang memang mengharap bantuan untuk menyelesaikan masalah hakisan ini.

Sering kali bila hujan lebat, kami hanya mampu berdoa dan berharap agar sungai tidak menelan rumah kami. Ingatlah, jangan sampai nyawa melayang baru nampak muka simpati.

**INSAN KERDIL,
Bukit Abal, Kelantan.**